

Xojon carta xi kitjei-la xita Hebreo

Kós'ín chjako-ná Nainá it'aà ts'e Ki'ndí-la

¹ Nga tisa kjòtseé, jè Nainá kjìn k'a kiichja-la xita jchínga-ná nga jñà kisikjeén xita xi kiichja ngajo-la, nga kjìn skaya tjín-ne kós'ín kiichja-la.

² Tanga i'ndeï, nga tífehet'aà nachrjein, Nainá, jè ki'ndí-la tísikjeén nga tíchjako-ná ko tijè-ne ki'ndí-la kisikjeén nga tsibíndaà isò'nde ko jè kjòngatsja ngats'ìi nga yije tsojmì xi tjín isò'nde.

³ Ko jè Ki'ndí xi okó jè kjoa isén ko kjoa jeya-la Nainá; ko it'aà ts'eé 'ya-ná kó kji kjoàn-ne Nainá. It'aà ts'e nga'ño xi tjín-la 'én-la Cristo síjngangi'ño-la isò'nde. K'e nga jye kitsjaà kjotjò yijo-la nga kisítsjeè-ná jé-ná, ikjoàn tsijin ngajmii nga tsibijnat'aà chrja kixi-la Nainá.

⁴ Nga jè Ki'ndí-la Nainá tjina ítjòn; isaá 'ño 'nga tjina mì k'oa-ne koni jñà àkjale, koií kjoa-la nga isaá 'ño 'nga tjina jè 'ín xi kitjoé-la.

⁵ Nga jè Nainá, nijngoò k'a k'oas'ín kitsò jngoò-la àkjale:

Ji-né xi ki'ndí-na xan-lè,

'an-ná Na'èn-lè.

Tikoaá nijngoò àkjale xi kitsò-la:

'Aán koma Na'èn-la,

jè koma ki'ndí-na.

⁶ K'e nga kisikasén ki'ndítjòn-la i isò'nde tikoaá k'oaá s'ín kitsò:

Ngats'ìi àkjale-na kàteèxkón.

⁷ It'aà ts'e àkjale, k'oaá tsò:

Nainá, maá-la tjo s'ín àkjale-la;

jñà chì'nda-la maá-la ni'ín s'ín.

⁸ Tanga it'aà ts'e ki'ndí-la tsò-né:

Ji-né xi Nainá,

kixíí kotixomai nita kjé-né.

⁹ Matsjacha-né kjoa xi ndaà tjín

ko majticha-né kjoa xi ch'o tjín;

koií kjoa-la, 'an xi Nainá 'mì-na xó jaàjiìn-lè

nga ìsa ndaà jchaxkón-lè

mé-ne nga ìsa tse kjotsja s'e-lè

koni jñà xita xinguí xi báhjtako-lè.

¹⁰ Tikoáá tsò-né:

Ji Na'èn xi Nainá 'mì-lè nga ji otixomai,

nga sa tàts'en-la kjoa, jíí tsibìndiì ìsò'nde,

tíjíí-ne xi tsibìndiì ngajmì.

¹¹ Ngaji kijna-né nita mé nachrjein-ne.

Tanga jè ìsò'nde ko ngajmì kjoehet'aà-né;

k'oaá s'ín kojchá koni ma nikje nga ma jchínga.

¹² K'oaá s'ín kíxkóyi koni jngoò x'ió,

k'oaá s'ín sikjatjìyi koni s'ín fatjìya nikje.

Tanga ngaji mì kì kjoatjìya-lè nita kjé-ne

ko jñà nachrjein-lè mìkiì kjoehet'aà.

¹³ Nainá nì saà jngoò k'a kitsò-la jngoò àkjale-la:

Tijnat'eii chrja kixi-na

skanda k'e nga sikkjanguia kondra-lè

ya ñánda nga nchasòn ndsokoiì.

¹⁴ Ngats'ii àkjale, inima-né nga síxá-la Nainá; jñà

nikasén nga síchját'aà-la jñà xita xi tjoé-la kjondaà

nga bitjokàjiìn kjo'in kjoa ts'e jé-la.

2

Mé-ne 'ñó chjí-la 'én xi jye kina'yá it'aà ts'e Cristo

¹ Koií kjoa-la, mochjeén-né nga nguì sà ndaà sis'in-lá 'én xi jye kina'yá, mé-ne nga mì xìn ndiyá kjaáan koni s'ín tjín ndiyá-la Nainá.

² Jñà kjoíxoma xi Nainá kitsjaà nga kisikjeén àkjale nachrjein xi jye tsato, tjín-la okixi, kò jñà xita xi tsohótsji jé nga mìkiì kisikitasòn kjoíxoma xi kits'ì-la, kjo'íin kitjoé-la koni s'ín ok'in-la.

³ Kò jñà xi titsajnaá nachrjein i'ndeí, isaá 'ñó s'e-ná kjo'in tsà mì kì sis'iaán 'én-la Cristo nga jè kochrjekàjìn-ná kjo'in. Nga jè sobá Na'èn-ná kitsjaà ítjòn-ná 'én koi. Kò jñà xi iskan kiì'nchré 'én koi, tikoáá tsibénojmi-ná nga kixi kjoa.

⁴ Nainá, tikoáá kisikixiya 'én koi nga kjin skoya kjoxkón kis'íin xi okó kjoa jeya-la Nainá, tikoá kisika'bísòn kjo'tjò ts'e Inima Tsjeè-la; k'oaá s'ín kitsjaà koni s'ín mejèn-la jè.

Yá xi ochrjekàjìn-ná kjo'in kjoa ts'e jé-ná

⁵ Nga Nainá mìtsà jñà àkjale-la kitsjaà-la nga jñà kjoíxoma-la jè isò'nde xi iskan kjo'í, jè xi titsachibàya-ná.

⁶ Ta saá tíchjaá jngoò k'a Xojon-la Nainá ñánda nga tsò:

Jì Na'èn, ¿yá-né xi xita?

¿A ok'in-la nga jì nìkítsjeèn-ne kò makájno-lè it'aà ts'e?

⁷ Isaá nangui kinikíjni koni jñà àkjale,

kits'ì-la kjoa jeya kò 'nga kinikíjni nga tsatíxoma,

⁸ jí kits'ì-la nga'ñó nga ma kjoíxoma-la ngats'ì tsojmì xi tjín.

Tsà Nainá kitsjaà-la nga'ñó nga jè kotìxoma-la ngats'ìi tsojmì xi tjin tsòyaá-ne nga nìmé tsojmì tjin xi mì jè otìxoma-la. Kixíi kjoa, nàchrjein ì'ndeì, kj'eè kiì ndaà 'ya-la tsà jè tíhotìxoma-la ngats'ìi tsojmì xi tjin.

⁹ Tanga 'ya-ná nga jè Jesús, nas'ín nangui kinìkìjna chiba nàchrjein koni jñà àkjale, tanga ì'ndeì, jeyaá tìjna ko 'ngaá tìjna nga tíhotìxoma, koií kjoa-la nga kjo'in kisìkjeiín k'e nga k'en. Nainá, 'ñó mats-jakeè-ná nga kisìkasén Jesús nga jè kisìkjeiín kjo'in ts'e kjoabiyaà xi kjondaà ts'e ngats'ìi xita.

¹⁰ Jè Nainá, xi tsibíndaà yije nita mé xi tjin, ndaà ok'in-la koni s'ín kis'ìin k'e nga kisìkatojiin kjo'in Ki'ndí-la mé-ne nga it'aà ts'e kjo'in xi tsatojiin-ne, nìmé kjoa xi kichijàt'aà-la nga koma kochrekàjiin-ná kjo'in kjoa ts'e jé-ná ngats'ìi xi ixti-la Nainá maá xi jè mejèn-la nga ya kitsajnaakoáá ñánda nga jeya tìjna jè.

¹¹ Jè xi tísìtsjeè xita xi tjin-la jé, ko jñà xita xi tìjìmatsjeè, tajngoó Na'én ma. Koií kjoa-la jè Ki'ndí-la Nainá mìkiì masobà-la nga 'ndse tsò-la xita xi sítsejè.

¹² Jè Xojon-la Nainá k'oaá s'ín tjit'aà nga tsò:

Kènojmí-la jñà xita 'ndse xi it'aà tsiji,
seè-lè ya ijìin-la xita naxandá-lè.

¹³ Tìkooá tjit'aà ñánda tsò:

Jé Nainá ma'ñót'aà takoàn.

Ìjngoò k'a tjit'aà ñánda tsò:

Íi tìjnakoáa ixti xi Nainá kitsjaà-na.

¹⁴ K'oaá s'ín tjin koni ixti-la xita, tajngoò jní-né ko tajngoò yijo-né. Jesús, k'oaá tìs'ín jní ko yijo kis'e-la

mé-ne nga it'aà ts'e kjoa biyaà ma kisikijne-la xita nejí xi tjín-la nga'ño nga ma-la sík'en xita.

¹⁵ Jesús, k'oaá s'ín komàt'in mé-ne nga komà kisikítsajndejí ngats'iì xita xi kitsakjòn-la kjoa biyaà nga k'oaá s'ín títsajna koni tsà tjít'aà'ño-la kó tjín nachrjein bìtsajnakon xita.

¹⁶ Jesús, mìtsà koií xá j'iì-ne nga jña àkjale sùichját'aà-la, jña xita tje-la Abraham sùichját'aà-la.

¹⁷ K'oaá s'ín komà-ne, jè Jesús tjínè-la nga ngàsòn k'oas'ín xita komà koni 'ndse, mé-ne nga no'miì ítjòn koma-ne xi tjín-la kjohimatakòn xi ndaà síkitasòn xá-la Nainá nga koma kùichjítjì-ne jé-la xita it'aà ts'e kjoa biyaà-la.

¹⁸ Koni s'ín kichit'aà nga kits'iì-la kjo'in, jè, k'oaá tis'ín ma-la osìko jè xita xi kò kjo'in tíchit'aà-ne.

3

Mé-ne isa jeya tjina-ne Jesús mì k'oa-ne Moisés

¹ Jñò ndí 'ndsè, xi xita naxandá tsjeè-la Nainá 'mì-nò, xi xó k'oaá s'ín jaàjìin-nò Nainá nga xita ts'e tsò-nò, k'oaá s'ín ndaà tikítsjeèn nga jè Cristo Jesús xi xó tsibíxáya-la Nainá kò jè tjina nga no'miì ítjòn it'aà ts'e kjoa xi mokjeiín-ná.

² Jesús ndaà síkitasòn xá-la Nainá, nga xó k'oaá s'ín kits'iì-la koni jè Moisés, ndaà kisikitasòn it'aà ts'e naxandá-la Nainá.

³ Jesús isaá jeya tjina koni jè Moisés. K'oaá ngayala koni jngoò xita xi bíndaà ni'ya, isaá jeya bíjna nei-la mì k'oaá-ne koni tijè-ne ni'ya.

⁴ Ngats'iì ni'ya, tsejèn tjín xita xi tsibíndaà; tanga jè Nainá xi tsibíndaà yije tsojmì xi tjín isò'nde.

⁵ Xi nguì okixi, jè Moisés, nga xita chì'nda-la Nainá ma, ndaà kisikitasòn xá-la it'aà ts'e xita naxandá-la Nainá. Jè xá xi kis'iìn, jè-né nga kitsjaà 'én kó s'ín kichja Nainá k'e nga koma iskan.

⁶ Tanga jè Cristo, nga Ki'ndí-la Nainá ma, jè otíxoma it'aà ts'e naxandá-la, jè naxandá-la xi tijñá-ná, tsà kixi titsajnaá skanda k'e nga kjoehet'aà nachrjein koni s'ín nga mokjeiín-ná it'aà ts'e Nainá nga kò kjotsja-ná titsachiñá xi kjondaà-la Nainá.

Mé xi mochjeén nga kitjás'eén ñánda ma nìkjáyaá it'aà ts'e Nainá

⁷ K'oaá tsò jè Inima Tsjeè-la Nainá jè xojon xi tjít'aà 'én-la Nainá, nga tsò:

I'nde, tsà titsana'yà jñò 'én-la Nainá,

⁸ kì tájaàjìin bitsajnakoo inima-nò

koni s'ín kis'iìn jñà xita xi kondra kii-la Nainá

nga kiskoòt'aà ya i'nde it'aà xìn ñánda nangui kixi choòn.

⁹ Jñà xita jchínga-nò kiskoòt'aà-na

nas'ín jye kijtseè ichán nó kjoa xi kis'iaàn.

¹⁰ Koií kjoa-la nga tsohótijna jchán-la jñà xita koi,
k'oaá kixan-la: “Jñò, kjit'aà nachrjein xìn ndiyá
tjaàkoo kjohítsjeèn-la inima-nò

kò mìkii yaxkon ndiyá-na.”

¹¹ Xi kjoa jti-na, k'oaá s'ín kitsjaà ndsoba

nga mìkii kjoahas'en-jìin i'nde ts'an ñánda ma nìkjáya.

¹² Ndí 'ndsè, t'een kindá yijo-nò, nijngoò xi ch'o
síkijna inima-la nga mìkii mokjeiín-la mé-ne nga
mì kìnchat'aàxìn-lá Nainá xi tíjnakon.

13 Ta saá, n_achrjein nchijòn tjiì nga'ñó-laà xingui_{oo}, k'e nga tíjna-ìsa n_achrjein, mé-ne nga mìkìl k_otájaàjìin-ne inìma-nò nga mìkìl ma skónachan-nò kjoa ts'e jé.

14 Jñá yaá nokjoá-aná it'aà ts'e Cristo, tsà k'oas'ín ndaà k_okjeiín-ná skanda k'e nga kjoehet'aà n_achrjein koni s'ín k_okjeiín-ná nga tisa tàts'en-la kjoa.

15 Xojon-la Nainá k'o_oá s'ín tíchja nga tsò: I'nde_i, tsà tìtsana'yà jñò 'én-la Nainá, kì tájaàjìin bitsajnak_{oo} inìma-nò koni s'ín kis'iìn jñà xìt_a xi kondra kii-la Nainá.

16 ¿Yá xìt_a-ne xi kii'nchré 'én-la Nainá, ikjoàn kondra kii-la? Tijnà-ne ngats'iì xìt_a xi jè Moisés tsachrjekàjìin i'nde Egipto.

17 ¿K_o yá xìt_a-ne xi ichán nó tsibìjnajchán k_o Nainá? Jñà-né xìt_a xi tsohótsji jé, xi ya k'en ya iya ndiyá ya i'nde it'aà xìn ñánda nangui kixì choòn.

18 ¿K_o yá xìt_a-ne xi Nainá kitsò-la nga mìkìl kjoahas'en-jìin i'nde ñánda tjín kjoa nìkjáya? Jñà-né xìt_a xi mìkìl kii'nchréñijon-la.

19 K_o k'o_oá s'ín tìsijìin-ná nga mìkìl jahas'en-jìin i'nde ñánda ma nìkjáya, koií kjoa-la nga mìkìl kòkjeiín-la.

4

1 Nainá k'o_oá s'ín kitsjaà-ná 'én nga k_itjás'eén ya i'nde-la ñánda ma nìkjáyaá. K'e nga tákó tíjna-ìsa 'én xi kitsjaà Nainá, ngats'iaá mochjeén-né nga ndaà s_ikindaá yijo-ná mì k'o_o-ne tsà mì kì k_itjás'eén.

2 Nga jñá, k'o_oá tìs'ín jye kis'enoj_míya-ná 'én ndaà-la Nainá, koni s'ín kis'enoj_míya-la jñà xìt_a jchínga-ná. Tanga jñà xìt_a jchínga-ná nìmé

kjondaà kisakò-la nga mìkìl ngàsòn kòkjeiín-la koni jñà xità xi i'nga xi kisìtasòn jñà 'én koi.

³ Tanga jñá xi jye mokjeiín-ná, kitjás'en-ná ya ì'nde ñánda ma nìkjáyaá, ñánda kitsò Nainá:

Xi kjoa jti-na, k'oaá s'ín kitsjaà 'én-na xi ndsoba kichjà-na

nga mìkìl kjoahas'en-jìin ì'nde ts'an ñánda ma nìkjáyaá.

Tanga Nainá jye kjòtseé jyehet'aà xá xi kis'iìn kóni skanda k'e nga tsibíndaà ìsò'nde.

⁴ Xojon-la Nainá, k'oaá s'ín tíchja ts'e xi ma-ne itoò nàchrjein:

Xi ma itoò nàchrjein kisìkjáya Nainá nga komà jyehet'aà yije xá-la.

⁵ Tijè-ne Xojon-la Nainá, ìjngoò k'a tíchja ñánda tsò:

Mìkìl kjoahas'en-jìin ya ì'nde-na ñánda ma nìkjáya.

⁶ Jñà xità xi kiì'nchré ítjòn 'én xi ndaà tsò, mìkìl jahas'en ì'nde ñánda ma nìkjáya nga mìkìl kisìtasòn; tanga nàchrjein ì'ndeì tjín-isa xità xi chíja nga koma kjoahas'en-jìin ì'nde ñánda ma nìkjáya.

⁷ Koií kjoa-la Nainá tsibíjna ìjngoò-isa nàchrjein xitse, jè nàchrjein ì'ndeì. Nga isa 'ñó komà iskan jè xitàxá ítjòn xi ki'mì David, k'oaá s'ín tsibít'aà Xojon-la Nainá jñà 'én xi tsò:

Jñò, nàchrjein ì'ndeì tsà titsana'yà 'én-la Nainá

kì tájaàjìin nìkítsajnaà inìma-nò.

⁸ Jè Josué, nga mìkìl komà kitsjaà-la kjoa nìkjáya jñà xità Israel, koií kjoa-la Nainá kitsjaà ìjngoò-isa nàchrjein xitse.

⁹ K'oaá ma-ne jè naxandá-la Nainá tíjna ìjngoò-la nàchrjein tsjeè ts'e kjoa nìkjáya;

¹⁰ nga jè x̄it̄a xi fahas'en-j̄iìn kjoa n̄ikj̄aya xi ts'è Nainá, t̄ikoaá síkj̄aya-ne kjoa ts'è xá-la, koni s'ín kis̄ikj̄aya Nainá it'aà ts'è xá xi kis'iìn.

¹¹ Mochjeén-né nga k'oi-lá nga'ñó yijo-ná nga kitjás'en-j̄ñaá kjoa n̄ikj̄aya-la Nainá; mìkiì k'oas'ín s'èén koni kis'iìn j̄ña x̄it̄a xi mìkiì kòkjeiín-la nga kis̄ikitasòn.

¹² 'Èn-la Nainá t̄ijnakon-né kò t̄jín-la nga'ñó. Ìsaá ndaà ote mì k'oa-ne jngoò k̄ichj̄a ndojò xi yijò nga ingajò ngobà-la; fahas'en-j̄iìn-né skanda ya j̄iìn in̄ima-ná kò ya j̄iìn k̄johítsjeèn-ná. T̄ikoaá fahas'en-j̄iìn-né skanda ñánda t̄ikjoò nindaà-ná kò iya nindaà-ná; ótsjiya-né k̄johítsjeèn-la in̄ima-ná mé xi mejèn-la nga s'iìn.

¹³ Ngats'ì xi Nainá tsibíndaà, nì mé t̄jín xi t̄jna'ma, nga ngats'ì kjoa t̄jna tsejèn-né; t̄ibeè-ne xkòn jè xi t̄jínè-la nga k'oi-lá kinda.

Jè xi ngui nò'miì ítjòn t̄jna

¹⁴ Jesús xi ki'ndí-la Nainá, jè-né xi ngui sobà nò'miì ítjòn t̄jna it'aà tsaján, jè-né xi jahas'en ngajmiì nga nguixkòn Nainá. K'oaá ma-ne nga mochjeén-né nga kix̄i kitsajnakoaá j̄ña 'én xi mokjeiín-ná.

¹⁵ Jè xi nò'miì ítjòn t̄jna it'aà tsaján, komaá koh̄imakeè-ná k'e nga mahindaà; nga jè, k'oaá t̄is'ín kichit'aà koni j̄ña, t̄anga mìtsà jé tsohótsji.

¹⁶ Kíjngoò-lá takoán nga k̄inchat'aá chraña-lá íxile k̄jotixoma-la Nainá xi tse k̄jondaà t̄jín-la, mé-ne nga skoè ima-ná k̄jondaà xi t̄jín-la koa kos̄iko-ná k'e nga mé xi kochjeén-ná.

5

¹ Ngats'iì jǎà nò'miù ítjòn, yaá tjaájìin ìt'aà ts'e xitá naxandá. Jè xá tǎjìnè-là nga chjatjì xitá nga nguixkòn Nainá tikoá tsját'aà-là kjotjò Nainá kò sík'en cho xi kjoá ts'e jé-là xitá.

² Jǎà nò'miù, tikoáá mahindaàjìin inìma-là; k'oaá s'ín ma-ne nga ma beèhìma jǎà xitá xi mìkìi machiya-là kò xi xìn ndiyá tǎjímaya.

³ Koí kjoá-là nga ma indaàjìin inìma-là nò'miù, tǎjìnè-là nga sìik'en-là cho kjotjò xi tsjá-là Nainá xi kjoá ts'e jé-là kò tikoá sìik'en cho kjoá ts'e jé-là naxandá.

⁴ Jǎà nò'miù, mìtsà tà jǎà tǎjngoò bít'aà xá 'nga yijo-là; jè Nainá xó chja-là koni s'ín kùichja-là jè Aarón.

⁵ K'oaá tìs'ín tǎjìn ìt'aà ts'e Cristo, mìtsà tà jè tǎjngoò kiskoé xá xi ts'e nò'miù ítjòn, Nainá kitsjaà-là xá 'nga k'e nga kitsò-là:

Jì-né xi Ki'ndí-nà xan-lè;

'aán-ná xi Na'èn-lè.

⁶ Tǎjè-ne Xojòn-là Nainá, ìjngoò k'a tìchja ñánda tsò:

Jì-né xi nò'miù tijni nìtá mé nàchrjein-ne,

xá-lè, k'oaá s'ín tǎjìn koni xá xi kisìkitasòn Melquisedec.

⁷ Jè Cristo k'e nga sà tsibìjna ì isò'nde, 'ñó kùichjat'aà-là Nainá, nguì koó ndáxkòn tsibítsi'ba-là koá kisìjèt'aà-là jè xi tǎjìn-là nga'ñó nga ma-là kochrjekátjì ìt'aà ts'e kjoá biyaà; Nainá kùì'nchré-là nga ndaà kǎjtseèxkón.

⁸ Jè Cristo, nas'ín ki'ndí-là Nainá ma, yaá komà-là kisìkitasòn, k'e nga kisìkjeín kjo'in.

⁹ K'e nga jye mè tì mé xi kichijàt'aà-la, k'oaá s'ín tsibìjna nga jè kochrjekátjì kjo'in xita nita mé nàchrjein-ne, ngats'ìi xi 'nchréñijon-la,
¹⁰ Nainá kisikìjna Jesús nga no'miì íjtòn tsibìjna, kitsjaà-la xá koni ts'e Melquisedec.

Jña xita xi mìkì machiya-la mé kjoa xi kixi tjin

¹¹ It'aà ts'e kjoa koi, 'ño tjin-isa kjoa xi s'enojmíya-nò, tanga 'ño chjá tjin nga s'enojmí-nò, koi kjoa-la nga jñò, mìkì machiya-nò.

¹² Jñò, skanda kjòtseé maestroó-là titsajnaà tsà ndaà; tanga jñò, tákó mochjeén-nò nga chíta'yà xitse ìjngòò k'a 'én-la Nainá xi mè 'in chja koni s'ín komà-nò nga sa íjtòn. K'oaá s'ín tímat'ioòn koni ndí ixti xi tákó tsjin 'biì, mìkì mochjeén-la nga tsojmì tájaà skine.

¹³ Ngats'ìi xi tákó tsjin 'biì, ixti-né, mìkì machiya-la mé kjoa xi kixi tjin.

¹⁴ Tanga jña tsojmì xi ma chine xi tájaà kjoàn, ts'eé xita xi jye kòjchínga, jña xi jye machiya-la mé kjoa xi ndaà tjin kò mé kjoa xi mìkì ndaà tjin nga k'oaá s'ín nchisíjchá yijo-la.

6

¹ Koií kòs'ín mochjeén-ne nga chíta'yà 'én-la Cristo xi isa ndaà kojchíngakoá kjoa ts'e Nainá mé-ne nga nimé chijat'aà-ná nga xita-la Cristo maá. Mì tijnà tijnà 'én chíta'yà-aná xi kichíta'yà nga sa íjtòn it'aà ts'e Cristo. Mì tijnà tijnà 'én sikítsjeèn-ya-ná kó s'ín ma nga nikájnoáa jé xi tjin-ná xi kjoabiyaà flko-ná. Kò tikoáa mì tijnà tijnà 'én sikítsjeèn-ya ìjngòò k'a-ná kó s'ín kòkjeiín-ná it'aà ts'e Nainá

² Kò kós'ín ma bautizar x̄ita, kò kós'ín oyijòsòn-lá ndsaá j̄nà x̄ita xi mokjeiín-là it'aà ts'e Cristo. Kò t̄ikoáà mì t̄ij̄nà t̄ij̄nà 'én sikítsjeèn-ya ìjngòò k'a-ná kó s'ín kjoaáya-là j̄nà x̄ita xi jye k'en, kò kós'ín s'iin Nainá nga k̄indaàj̄iìn-là x̄ita mé xi ok'in-là nga tsjá-là n̄ita kjé-ne.

³ Mochjeén-né nga chíta'yà 'én xi ìsa ndaà kojchíngakoáà kjoa ts'e Nainá; tsà Nainá tsjá'nde nga kòs'ín koma, k'oas'ín s'eén.

⁴ Nga j̄nà x̄ita xi jye kjòhiseèn-là kjohítsjeèn-là, xi jye kisaseèn-takòn kjondaà xi tsjá Nainá, xi t̄ikoá jye ngàsòn kitjoé-là Inima Tsjeè-là Nainá,

⁵ xi jye kisaseèn-takòn 'én ndaà-là Nainá kò nga'ñó-là ìsò'nde xi sà kjoíí,

⁶ tsà ìjngòò k'a xìn ndiyá kjoí, tsà tsjìn takòn 'én-là Nainá, mì t̄i kii koma kondaàya-ne kjohítsjeèn-là nga kòófat'aà ìjngòò k'a-là Nainá; nga j̄nà x̄ita koi, kjoa xi nchis'ín, k'oaá ngaya-là koni tsà krò nchihót'aà ìjngòò k'a jè Ki'ndí-là Nainá nga tsjá-là kjosobà nga nguixkòn ngats'iì x̄ita.

⁷ K'oaá s'ín ngaya-là koni jè nangui, k'e nga 'ba jtsí, ma'nchi'nde-né. Tsà ndaà xka xi bisò xi mochjeén-là x̄ita xi síxáko nangui, jè Nainá síchikon-t'in nangui.

⁸ Tanga tsà na'yá chini kò na'yá xanchroò bisò, n̄imé chíj-là, mìtsà nangui ndaà nga nguixkòn Nainá; k̄ijchò nachrjein nga tà k̄iti-né.

⁹ J̄nò ndí 'ndsè, xi matsjacha-nòjèn, nas'ín k'oas'ín nokjoà-jèn, k'oaá s'ín t̄jngòò takòn-jèn nga tjoé-nò kjoa xi 'ñó ndaà t̄jín, ngats'iì kjondaà xi t̄jín-là x̄ita xi jye itjokàj̄iìn kjo'in.

¹⁰ Nga Nainá, x̄ita kixi-né, mìkìl síjchàaj̄iìn xá-nò

xi jye ki'nè ko kjoatjòcha xi tjín-nò nga nìchjät'aà-là xità naxandá-là Cristo, koni s'ín títsa'nè skanda nachrjein j'ndeí.

¹¹ Tanga ngajen, k'oaá s'ín mejèn-najen nga kjit'aà nachrjein nguì koó kjotsja nga kos'ín tixá nga jngoò jngoò skanda k'e nga kjoehet'aà nachrjein-nò mé-ne nga kítasòn-ne kjoa xi títsachiñá-laá.

¹² Majìn-najen nga ts'eè s'een. Chjínnguì-là jñà xità xi jye nchitjoé-là kjotjò koni s'ín kitsjaà tso'ba Nainá koií kjoa-là nga ndaà mokjeiín-là ko tjín-là kjoatsejta.

Kó tsò 'én xi kùichja Nainá koni s'ín kitsjaà-là tso'ba Abraham

¹³ Nainá k'e nga kitsjaà-là tso'ba Abraham, k'oaá s'ín kitsjaà kixi 'én-là nga tijè tsasèn-ne nga mì tì yá tjín-ne xi isa 'nga tíjna koni jè; k'oaá s'ín kùichja,

¹⁴ nga kitsò: “An, 'ñó ndaà sichikon-t'in-lè, tìkoa 'ñó kokjìn-ya jñà ixti-lè.”

¹⁵ K'oaá s'ín komà-ne Abraham kiskoòñàkjoa, ikjoàn kitjoé-là koni s'ín kitsò Nainá.

¹⁶ Jñà xi taxki xità, k'e nga tsjá 'én-là, síkjeén jngoò 'ín-là jngoò xi isa 'nga tíjna mé-ne nga síkixiya-ne 'én xi tsjá. Ko tà yaá fehet'aà kjoa.

¹⁷ K'oaá s'ín ma-ne k'e nga jè Nainá k'oaá s'ín kjòmejèn-là nga kitsjaà kixi-là 'én jñà xità xi tjoé-là kjotjò nga sùikitason koni s'ín kitsjaà tso'ba, kitsjaà jngoò 'én xi 'ñó xkón tjín nga nímé xi ma kjoatjiya.

¹⁸ Jñà 'én koi xi jò ma-ne xi mìkiì ma fatjiya, nga mìkiì koma skónachan-ná Nainá, yaá 'ñó sakó-là nga'ñó inima-ná, jñá xi mejèn-ná nga

Nainá kosiko-ná nga nguì jè kjit'aà takoán nga titsachiñá-lá jè kjoa kixi-la xi jè jye kitsjaà-ná.

¹⁹ Jè kjoa kixi xi titsachiñá-lá, k'oaá s'ín síkijna kixi inima-ná koni jngoò kicha xi sit'aà'ñó-ne chitso, kò jè kjoa kixi xi okji skanda maá jahas'en ya i'nde tsjeè ñánda tjobájtoò nikje cortina,

²⁰ ya ñánda jahas'en Jesús nga tsohójnandaà-ná ndiyá, nga no'miì ítjòn tíjna nita mé naxrjein-ne koni jè Melquisedec.

7

Jesús, k'oaá s'ín गया-ला koni jè no'miì ítjòn xi ki'mi Melquisedec

¹ Melquisedec xi xita xá ítjòn tsibìjna ts'e naxandá Salem, tikoá no'miì ítjòn tsibìjna ts'e Nainá xi tíjna ngajmiì, kii kaña-la Abraham k'e nga tinchrobá-ne nga jye kisikijne yije-la xitaxá ítjòn xi kiskaàn-kò. Melquisedec kisichikon-t'in Abraham.

² Jè Abraham, teya kis'iin tsojmì xi kisakò-la ts'e kjoajchán, kò jngoòya kitsjaà-la Melquisedec. 'Ín xi 'mì Melquisedec, tsòyaá-ne: xitaxá ítjòn xi tjin-la okixi. Tikoá jè 'ín xi 'mì xitaxá ítjòn ts'e Salem, tsòyaá-ne: xi tjin-la kjoa'nchán.

³ Jè Melquisedec mikii 'ya-la tje-la, yá na'en-la, yá nea-la, ñánda kits'iin, ñánda k'en; k'oaá s'ín mangásòn-kò koni Cristo xi Ki'ndí-la Nainá nga jè Melquisedec tikoá no'miì ítjòn tíjna nita mé naxrjein-ne.

4 Jñò tìkítsjeèn nga 'ñó 'nga tsibìjna Melquisedec, skanda jè xìtā jchínga-ná Abraham teya kis'iìn tsojmì xi kisakò-lā ts'è kjoajchán, kò jngoòya kitsjaà-lā Melquisedec.

5 Kixìí kjoā, k'oaá s'ín tíchja kjotíxoma-lā Moisés xi Nainá kitsjaà-lā nga jñà xìtā naxandá tjinè-lā nga teya sùjòya tsojmì xi tjin-lā, jngoòya tsjá-lā jñà nò'miì xi tje-lā Leví, nas'ín tì xìtā xikjín-ne xi ya nchrobát'aà-ne tje-lā Abraham.

6 Tanga jè Melquisedec, mìtsà tje-lā Leví, tanga kitjoé-lā xi jngoòya oko-lā tsojmì xi teya kis'iìn Abraham, ikjoàn k'ée kisìchikon-t'in, nas'ín jè Abraham xi kitjoé-lā 'én xi tso'ba Nainá kiìchja-ne.

7 Nga jyeé tjiìn-ná, jè xi síchikon-t'in xìtā, isaá 'nga tjna mì k'oaá-ne koni jè xi machikon-t'in.

8 Jñà nò'miì xi tje-lā Leví xi tjoé-lā xi jngoòya oko-lā xi teya s'ín xìtā naxandá Israel, mìtsà ta bìtsajnakon kjit'aà, bijchó nàchrjein nga biyaà; tanga it'aà ts'è Melquisedec, jè Xojon-lā Nainá, k'oaá s'ín 'ya-lā koni tsà jngoò xìtā xi tákò tijnakon skanda nàchrjein i'ndeì.

9 Jñà nò'miì xi nchrobát'aà-ne tje-lā Leví xi tjoé-lā xi jngoòya oko-lā xi teya s'ín xìtā naxandá Israel, komaá k'oakixoán nga tikoáá jè Melquisedec kitjoé jngoòya-lā it'aà ts'è xìtā koi k'è nga kitsjaà jngoòya-lā Abraham,

10 nga jñà nò'miì xi tje-lā Leví, yaá nchrobát'aà-ne tje-lā Abraham. Nas'ín kj'eè kii ts'iìn Leví k'è nga jè Melquisedec ijchò kaña-lā Abraham, k'oaá s'ín ngaya-lā koni tsà jñà nò'miì Israel, jyeé ya tìtsajnakò Abraham nga nchitsjá-lā kjotjò xi jè tjoé-lā Melquisedec.

11 Jǎà kjotíxoma xi kitjoé-la jǎà xíta Israel, yaá inchrobàt'aà-ne it'aà ts'e nò'miì xi tje-la Leví; tanga jǎà nò'miì koi, mìkiì komà-la nga jngoò k'a kisikixiya xíta nga mì tì mé chijat'aà-la. K'oaá s'ín komà-ne nga j'ii ìjngoò nò'miì xi jè mangàsòn-ko Melquisedec, kò mìtsà jè mangàsòn-ko Aarón xi tje-la Leví.

12 K'e nga fatjìya nò'miì, kós'ín síxá, tìkoaá mochjeén-né nga kjoatjìya kjotíxoma.

13 Koni s'ín tíchja 'én-la Nainá, jè xi kitjoé-la xá koni ts'e Melquisedec, kj'eíí tje-né; ya ñánda inchrobàt'aà-ne, nì saá jngoò nò'miì bitjokàjiin.

14 K'oaá s'ín 'ya-la nga jè Na'én-ná Jesucristo, yaá inchrobàt'aà-ne tje-la naxandá Judá. Tje-la naxandá jè, mìkiì kisikaxki Moisés k'e nga kiichja it'aà ts'e nò'miì.

15 Kjoa koi, isaá ndaà makixiya-ná tsà jè nò'miì xitse sùikitasòn koni s'ín kisikitasòn jè Melquisedec.

16 Nga mìtsà k'oaá s'ín kitjoé-la xá ts'e nò'miì koni s'ín tíchja kjotíxoma yá ts'e tje xi inchrobàt'aà-ne nga nò'miì kisikitasòn. Ta saá k'oaá s'ín kitjoé-la xá it'aà ts'e nga'ño xi tjín-la nga mìtsà yá xi koma-la jngoò k'a sùik'en.

17 K'oaá s'ín tíchja 'én-la Nainá xi it'aà ts'e, nga tsò:

Jì-né xi nò'miì tijni nìta mé nàchrjein-ne,

k'oaá s'ín mangàsòn-koii koni jè Melquisedec.

18 K'oaá s'ín komà-ne nga kichijàngui kjotíxoma jchínga, koi kjoa-la nga tsjìn-la nga'ño tìkoa mì tì kiì tímochjeén-ne.

19 Nga jè kjotíxoma jchínga xi kiskii Moisés, nìmé xi kisikixiya xíta; tanga nàchrjein ì'ndeì, tjín

ìjngoò-ná kjoa xi ìsa ndaà tjin xi titsachiñá-lá jè xi sikinchat'aà chrañà-ná Nainá.

²⁰ Nainá k'oaá s'ín kitsjaà kixi 'én-la xi xkón tjin k'e nga kitsjaà tso'ba nga no'miì ítjòn kína Cristo. Jñà no'miì xi i'nga, ta k'oaá s'ín kitjoé-la xá, mìtsà yá xi kitsjaà 'én-la.

²¹ Tanga xi it'aà ts'e Na'én-ná Jesús, k'oaá s'ín tíchja xojoñ xi tjit'aà 'én-la Nainá nga kitsò:

Na'én-ná k'oaá s'ín kitsjaà kixi 'én-la;

mikiì sùkjatjìya-la kjohítsjeèn-la nga tsò:

“Ji-né xi no'miì tjni nita mé nachrjein-ne.”

²² K'oaá s'ín ma-ne nga jè Jesucristo osen-tji-ná nga nguixkon Nainá nga jè bindaàjiìn ko-ná jngoò kjoa xitse xi ìsá ndaà tjin.

²³ Tikoáá jñà no'miì xi kisixá xi tje-la Leví, jyeé kjin ma xi jye kisìkitasòn xá-la tanga koí kjoa-la nga biyaà nga mìkiì ma síxá-ìsa.

²⁴ Tanga jè Jesús tíjnakon-ne nita kjé-ne, k'oaá ma-ne nga no'miì tjina nita mé nachrjein-ne.

²⁵ K'oaá s'ín ma-ne nga ma-la ochrjekàjiìn kjo'in xita nita mé nachrjein-ne, ngats'ì xita xi it'aà ts'e Jesús bijchó nguixkon Nainá; jè tíjnakon-né nita kjé-ne mé-ne nga bítsi'batjì xita.

²⁶ It'aà tsaján, nguì jè Jesús xi mochjeén-ná nga no'miì ítjòn tjina: nga xita tsjeè-né; nimé jé tjin-la; mì tjé kji inima-la; tíjnat'aàxìn-la xita jé, ko jè xi ìsa 'nga tjina ján ngajmiì.

²⁷ Mìtsà k'oas'ín koni s'ín no'miì ítjòn xi i'nga, nga nachrjein nchijòn sík'en cho nga tsjá kjotjò-la xi kjoa ts'e jé-la, ikjoàn tsjá ts'e jé-la xita naxandá. Tanga Jesús k'e nga kitsjaà kjotjò yijo-la nga k'en, jngoò k'aá kitsjaà nita kjé-né.

28 Jè kjotíxoma xi kitsjaà Moisés, k'oaá s'ín tichja nga jña kítsajna no'miì ítjòn xi taxki xita xi chiba nga'ño tjín-la; tanga jè 'én xi xkón tjín xi iskan kitsjaà Nainá, k'oaá s'ín tichja nga jè Ki'ndí-la Nainá, kíjna no'miì ítjòn, jè xi k'oas'ín kisikò Nainá nga nímé chijat'aà-la nita kjé-ne.

8

Jè kjoa xitse xi tsibí'ño Jesús

¹ Ngats'iì kjoa xi chibàya-ná, tjín jngoò xi isaá 'ño chjí-la, jè-né nga tíjna jngoò-ná no'miì ítjòn xi tsibìjnat'aà chrja kixi-la íxile kjotíxoma-la Nainá ján ngajmiì.

² Yaá síxá ya ñánda tíjna xi nguì Ni'ya Tsjeè-la Nainá, xi jè sobà Nainá tsibíndaà; mìtsà taxki xita tsibíndaà.

³ Ngats'iì no'miì ítjòn, k'oaá s'ín satíxoma-la nga kjotjò tsját'aà-la Nainá kò cho sík'en; k'oaá ma-ne nga jè Cristo tikoá tjínè-la nga kis'e-la mé kjotjò xi kitsjaat'aà-la Nainá.

⁴ Jè Cristo, tsà i tíjna it'aà nangui, skanda mì-la kii koma nga no'miì kíjna, nga i it'aà nangui, jyeé tjín no'miì xi tsját'aà-la kjotjò Nainá koni s'ín tjín kjotíxoma xi kiskii Moisés.

⁵ Tanga jña no'miì xi tjín i it'aà nangui, yaá síxá ni'ya xi tà isén-la-né kò 'nguién-la-né jè Ni'ya Tsjeè-la Nainá xi tíjna ngajmiì; nga jè Moisés k'e nga jye mejèn koiìts'ia nga kiindaà ni'ya tsjeè-la Nainá xi nikje, jè Nainá kitsò-la: “Ndaà chítsejìn, k'oa kó kji t'iin koni kji xi tsakoò-lè ya nindoò Sináí.”

⁶ Tanga nachrjein i'ndeì, isaá ndaà tjín xá xi kitjoé-la Jesucristo nga no'miì ítjòn tíjna, nga

jè osìjnajìin jngoò kjoa xit̩se xi ìsa ndaà t̩jín xi tsibíndaàjìin Nainá ko xit̩a, nga yaá nchrobát'aà-ne 'én xi ìsa ndaà t̩jín koni s'ín jye kitsjaà tso'ba Nainá.

⁷ Tsà n̩imé xi kisìchijàt'aà-la jè kjoa xi kisin-daàjìin ìt̩jòn, mì-la kii mochjeén nga ìjngoò k'a sin-daàjìin xi ma-ne jò k'a.

⁸ Tanga Nainá k'e nga tsohótiko, k'oaa kitsò: Kijchò nachrjein k'e nga kìndaàjìin-ko jngoò kjoa xit̩se

jñà xit̩a Israel ko xit̩a Judá, kitsò Nainá.

⁹ Jè kjoa xit̩se xi kìndaàjìin-koaa, mìtsà k'oas'ín s̩indaàjìin koni ts'e xit̩a jchínga-la, k'e nga 'an sobà kitsobà tsja nga tsachrjekàjñàà nangui Egipto.

Jñà xit̩a koi, mìkii kisìkitasòn koni s'ín kisindaàjìin, k'oaa komà-ne nga kitsjìn takoàn, tsò Nainá.

¹⁰ K'e nga jye koma iskan, jè kjoa xit̩se xi kìndaajñàakoaa xit̩a Israel, kiís'ín s'e, tsò Nainá:

Kjotíxoma-na yaá kíjnajñàà ya kjohítsjeèn-la, ko yaá skiaà j̩jìin in̩ima-la.

'An-ná xi Nainá kitso-na, ko jñà-né xi koma xit̩a naxandá-na.

¹¹ Mì t̩i kii kochjeén-ne nga xit̩a xíkjín keènojím̩ya-la

n̩i mìtsà jè 'ndse keènojím̩-la nga skoexkon Nainá, nga ngats'ìi xit̩a skoexkon-na

mats'ia̩ko-ne xi ìsa ìxti skanda jñà xi 'ñó xit̩a jchínga.

¹² 'Aán siijchàat'aà-la ngats'ìi kjoa ch'o xi kis'ìin, mì t̩i kii siikítsjeèn-na jé xi t̩jín-la.

13 K'e nga Nainá síkaxki ìjngoò kjoa xitse, tsòyaá-ne nga jè kjoa xi kisindaàjìin ítjòn, jyeé kòjchínga. Mì tì kii tímochjeén-ne, jyeé tíchija.

9

Jè Ni'ya Tsjeè-la Nainá xi nikje

¹ Jè kjoa xi tsibíndaàjìin ítjòn Nainá kis'eé-la kjoatíxoma kós'ín ma nga jeya nìkíjnaá Nainá kò kis'e jngoò-la ni'ya tsjeè ì it'aà nanguì.

² Jè Ni'ya Tsjeè-la Nainá xi nikje, k'oaá s'ín tjíndaà nga jngoò ì'nde tíjna ítjòn xi 'mì Ì'nde Tsjeè, ñánda tíjna kichá xi tiya ni'ín kò ñánda tíjna ímíxa xi nchasòn inchrájìn tsjeè-la Nainá.

³ Jè nikje cortina xi ma jò-ne xi tjobá jngoò osen ni'ya nikje, ya ijton kijjna ì'nde xi 'mì Ì'nde xi isa 'Ñó Tsjeè.

⁴ Ì'nde jè, yaá kijjna jngoò kaxa xi nguì oro ñánda tìsòn chrjongó-la Nainá; tìkoá yaá kijjna kaxa xi nguì oro yijájno ts'e kjoa xi tsibíndaàjìin Nainá. Kaxa jè, tíjnaya jngoò tíjí kichá xi nguì oro ñánda 'ncha inchrájìn xi 'mì maná, tìkoá yaá kjinaya yá nise-la Aarón xi tsibíjts'én-t'aà chrja-la kò ya 'ncha jña ndajò teè ñánda tíjt'aà kjoatíxoma-la Nainá xi kitjoé-la Moisés.

⁵ Ya isòn kaxa 'ncha isén-la àkjale xi querubín 'mì xi tíjn-la jngaá xi okó kjoa jeya-la Nainá; jña jngaá-la bíjtsa'ma jè kaxa. Tanga ì'ndeì, jña kjoa koi, mìkii mochjeén nga íjngó íjngó skaya koxki.

⁶ K'e nga jye k'oas'ín kisinchaàndaà tsojmì koi, jña no'mii, kjit'aà nachrjein fahas'en ya Ni'ya Tsjeè-la Nainá xi nikje, jè ì'nde xi tíjna ítjòn, nga síkitasòn xá-la nga beèxkón Nainá.

⁷ Tanga jè ì'nde xi ma-ne jò, ta jè tajngoò nò'miì ítjòn fahas'en jngoò k'a nga jngoò nó; k'e nga fahas'en, tjinè-là nga jní-là cho 'ba xi tsját'aà-là Nainá kjoa xi tít's'e-ne jé-là kò ngats'ìì jé-là xita naxandá, jñà xi mìkiì tíjiìn-là tsà jé ótsji.

⁸ Jè Inìma Tsjeè-là Nainá k'oaá s'ín síkíchiya-ná, k'e nga tákó jè tímochjeén Ni'ya Tsjeè xì nikje xi kisindaà ítjòn, k'jeè kù táx'a'nde nga koma kitjás'eén jè Ì'nde xi Ìsa 'Nó Tsjeè.

⁹ Jñà kjoa xi komà kjòtseé, tà kjoa mangásòn-né koni s'ín tíma nàchrjein ì'ndeì; nga jñà kjotjò kò jní-là cho xi kixíxteèn ì'nde jè, tsjìn-là nga'ño nga siìtsjeè kjòhítsjeèn-là xita xi k'oaá s'ín beèxkón Nainá.

¹⁰ Kjoa koi, tà kjoa ts'eé yijo-là xita, mé tsojmì xi ma chine kò xi ma 'yò, koá kós'ín sítsjeè yijo-là xita; tà k'oaá s'ín tjen kochjeén skanda k'e nga jè Nainá siìkijatjìya-là ngats'ìì kjoa koi.

Nga'ño xi tse tjin-là jè jní xi tsibíxteèn Cristo

¹¹ Tanga jyeé j'ìì Cristo nga nò'miì ítjòn tíjna ìt'aà ts'e kjondaà-là Nainá xi jye tíma. Yaá jahas'en Ni'ya Tsjeè-là Nainá jè xi Ìsa 'ño ndaà choòn kò xi Ìsa kixì tjin, nga mìtsà tsja xita kisindaà-ne jè xi tsò-ne kjoa nga mìtsà ì ìt'aà nangui kisindaà.

¹² Cristo, jngoò k'aá jahas'en ya Ì'nde Tsjeè. Mìtsà tì jní-là tíndsó kò jní-là nchraja jahas'en-kò-ne. Ts'e sobá jní jahas'en-ne. K'oaá s'ín kis'ììn nga tsibíchjítjì jé-ná, mé-ne nga komà kisíkítsajnandejì-ná nita mé nàchrjein-ne.

¹³ Jè jní-là nchraja kò jní-là tíndsó kò chijo-là nchraja kitì xi nchraja chjoón ki'ndí, maá-là sítsjeè yijo-là xita xi xa'ya-là k'e nga xíxteèn-jno.

14 Tsà k'oaá s'ín bitasòn kjoa koi, jè jní xi tsibíxteèn Cristo, isaá tse nga'ño tjín-la. Nga it'aà ts'eé nga'ño-la Inima Tsjee xi tijnakon nita mé nachrjein-ne nga kitsjaà kjotjò-la Nainá yijo-la xi mìtsà mé jé tjín-la. Jè jní-la Cristo sítsjeèya kjohítsjeèn-nò nga mì tì kii koa tìs'ín s'en-nò kjoa xi fiko-ná kjoabiyaà, mé-ne nga ma sixá-là Nainá xi tijnakon.

Jè kjoa xitse xi tsibíndaàjìin Nainá ko xita

15 K'oaá ma-ne nga jè Cristo osijnajìin osen koni s'ín tsibí'ño jngoò kjoa xitse. K'e nga k'en ngajo-la xita, jè tsibíchítjì jé-la xi tsohótsji xita k'e nga tisa jè tíhotíxoma kjoa xi kisindaàjìin ítjòn, mé-ne ngats'ìi xita xi xó jaàjìin-ne tjoé-la kjotjò xi tsjá Nainá nita kjé-ne koni s'ín kitsjaà 'én-la Nainá xi tso'ba kiiichja-ne.

16 K'e nga jngoò xita mejèn-la síka'bí tsojmì xi tjín-la, bíndaà jngoò xojon xi bí'ño. Skanda k'eé mochjeén k'e nga biyaà jè xita xi bíndaà.

17 Tanga xojon jè, nimé chjí-la k'e nga tikj'eè biyaà xita xi tsibíndaà; skanda k'eé chjí-la k'e nga kiyá.

18 Jè kjoa xi kisindaàjìin ítjòn k'oaá tìs'ín kisin-daàjìin nga cho k'en mé-ne komà kixíxteèn-ne jní.

19 Moisés, k'e nga jye tsibíxkejìin-la xita naxandá ngats'ìi kjotíxoma-la Nainá, ikjoàn kiskoé jní-la tíndsó ko jní-la nchraja ki'ndí ko kisikájìin nandá; ko kiskoé jngoò chrja-la yá hisopo ko tsja-la orrè xi inì kjoàn; jahajìin jní-la cho; ikjoàn tsibíxteèn-jno jè xojon xi tít'aà kjotíxoma-la Nainá; k'eé tsibíxteèn-jno ngats'ìi xita naxandá.

20 Moisés kitsò: “Jè jní jè xi síkixiya kjoa nga koma síkitasòn koni s'ín tsibíndaàjìin-kò-nó Nainá.”

21 Moisés, tikoáá tsibíxteèn-jno jní jè Ni'ya Tsjeè-la Nainá xi nikje kò ngats'iì tsojmì xi mochjeén k'e nga yaxkón Nainá.

22 Koni s'ín tíchja xojon xi tjit'aà kjotíxoma-la Nainá, mejèn tsà ngats'iì kjoa, saá jní matsjeèya-ne; tsà mìkiì xixteèn jní, mìkiì koma jchat'aà-la jé-la xita.

23 K'oaá s'ín kjòchjeén nga jní-la cho matsjeèya-ne jè Ni'ya Nikje Tsjeè kò tsojmì xi tjíya xi mochjeén k'e nga yaxkón Nainá; jña tsojmì koi, ta okó-né koni choòn ján ngajmì; tanga jña xi tjín ngajmì, mochjeén-né nga biyaà jngoò xi isa xkón tjín mé-ne koma kotsjeèya-ne.

24 Tanga Cristo, mìtsà ya jahas'en Ni'ya Nikje Tsjeè xi tsja xita kisindaà-ne, xi ta okó xi tjín ngajmì. Cristo, nguì yaá jahas'en ngajmì nga nguixkon Nainá nga tíchjatjì-ná.

25 Mìkiì k'oa's'ín kjin k'a jahas'en ya ngajmì nga kitsjaat'aà kjotjò yijo-la, koni s'ín no'mì itòn nga xki nó fahas'en I'nde xi 'Ñó Tsjeè, nga fahas'en kò jní xi mìtsà ts'e.

26 Cristo tsà kjin-la k'a jahas'en ngajmì tikoá tjínè-la nga kjin k'a síkjeiín kjo'in kó-ne skanda kisindaà isò'nde. Tanga i'ndeì, nga jye tífehèt'aà nachrjein, ta jngoò k'a j'ì nga kitsjaà kjotjò yijo-la nga tsibíxteèn jní-la, mé-ne nga kitjaàxìn-ne kjoa ts'e jé nita mé nachrjein-ne.

27 K'oaá s'ín tjín nga ngats'iì xita, ta jngoò k'a biyaà, kò iskan kjoí jè nachrjein nga sindaàjìin-la.

28 K'oaá tìs'ín tjín it'aà ts'e Cristo, ta jngoò

k'a kitsjaàt'aà kjotjò yijo-la nga tsibíxteèn jní-la, mé-ne nga kjìn xítà tjáxìn-ne jé-la. Xi ma-ne jò k'a, kítjojen ìjngoò k'a-ne ngajmì; mìtsà tì jé kjoaáxìn-ne; koií xá kjoí-ne nga kochrjekàjìin kjo'in jñà xítà xi nchikoña-la.

10

Mé-ne 'ñó chjí-la jè kjoa biyaà-la Cristo

¹ Jè kjotíxoma-la Nainá xi kitjoé-la Moisés, mìtsà nguì jñà kjondaà xi ìskan j'ì; ta 'nguién-la né xi tsakó. K'oaá ma-ne nga jngoó k'a mìkù koma nguì tsjeè sùkítsajna xítà xi xkì nó síchrañat'aà-la Nainá nga tìjñà tìjñà kjotjò tsjá-ne.

² Jè kjotíxoma, tsà jngoò k'a kisìtsjeèya jé-la xítà, mì-la tì kù sùkájno-ne tsà jé tjín-la; tìkoaá mì-la tì kù jní-la cho tsjá kjotjò-ne.

³ Tanga jè jní-la cho, xkì nó xkì nó síkìtsjeèn-ya jé-la xítà.

⁴ Nga jè jní-la nchraja ko jní-la tíndsó mìkù ma-la faáxìn jñà jé-la xítà.

⁵ Cristo, k'e nga j'ì ì jìsò'nde kitsò-la Nainá: Majìn-lè jní-la cho xi biyaà, ko kjotjò xi tsját'aà-lè xítà, tanga jè yijo-na kinìkíjnandei.

⁶ Mìkù sasén-lè cho xi kiti, ko nì jñà kjotjò xi tsjá-lè xítà xi kjoa ts'e jé-la.

⁷ K'eé kichjà, kixan-lè: “Koni s'ín tíchja xojoñ-lè xi ìt'aà ts'an, jí tìjnaa nga sikitasoàn koni s'ín mejèn-lè, jì xi Nainá 'mì-lè.”

⁸ Cristo, ítjòn kitsò: “Majìn-lè ko mìkù sasén-lè jní-la cho xi biyaà ko kjotjò xi tsjá-lè xítà, cho xi

kitì kò kjotjò xi tsjá xi kjoa ts'e jé-la”, nas'ín k'oas'ín tíchja kjotíxoma nga tjinè-la nga koatjín xi tsjá xita. ⁹ Ikjoàn kitsò isa: “Í tijnáa nga sikitasoàn koni s'ín mejèn-lè.” K'e nga os'ín kiichja, tsòyaá-ne nga jè Cristo jaàxìn jè kjoa jchínga mé-ne nga kisikíjna ngajo-ne xi kjoa xitse.

¹⁰ K'oaá s'ín komà nga kisitsjeèya inima-ná Nainá it'aà ts'e Na'èn-ná Jesucristo k'e nga kos'ín kisikitasòn koni s'ín mejèn-la Nainá nga ta jngoò k'a kitsjaà kjotjò yijo-la nita kjé-ne k'e nga k'en.

¹¹ Ngats'ìi nò'miì, nachrjein nchijòn síkitasòn xá-la nga kjìn k'a tsját'aà-la Nainá xi tijnà tijnà-ne kjotjò xi mìkì ma-la faáxìn jé-la xita.

¹² Tanga Jesucristo ta jngoò k'a kitsjaat'aà kjotjò yijo-la kjoa ts'e jé nita kjé-ne, ikjoàn tsibijnat'aà chrja kixi-la Nainá.

¹³ Yaá tíkoña skanda k'e nga kijchò nachrjein nga jñà xita kondra-la sìichija nga jè Nainá sìikítsajnangui ndsoko.

¹⁴ Ta jngoò k'aá kitsjaat'aà kjotjò yijo-la mé-ne nga nguì ndaà kjòkixiya-ne xita nita kjé-ne, jñà xita xi tímatsjeè.

¹⁵ Jè Inima Tsjeè-la Nainá ndaà síkixiya-ná kjoa koi; nga sa ítjòn tsò-né:

¹⁶ Jè kjoa jè xi kìndaàjìn-koaa jñà xita k'e nga jye koma iskan, tsò Na'èn-ná: Jñà kjotíxoma-na sikíjnajñaà inima-la, kò yaá skiaa jjiìn kjohítsjeèn-la.

¹⁷ Ikjoàn tsò-isa:

'An, mì tì kù sìikítsjeèn-na jé xi tjin-la kò ngats'ìi kjoa ch'o xi s'ín.

18 K'e nga jye jchat'aà-ná jé-ná, mì tì mé kjotjò kochjeén-ne xi kjoa ts'e jé.

Mé kjoa-ne nga isa ndaà kinchat'aà chraña-lá Nainá

19 Jñò ndí 'ndsè, k'oaá ma-ne nachrjein i'ndeì, tjí'nde-ná nga kitjás'eén jè I'nde-la Nainá xi 'Ñó Tsjeè, koií kjoa-la jè jní xi tsibíxteèn Jesús.

20 Nga jè kiskíx'a jngoò-ná ndiyá xitse xi fikò-ná ñánda tjín kjoabinachon, nga koma kotokjá jè nikje cortina xi tjo'hóya jngoò osen I'nde Tsjeè-la Nainá. Jè nikje, k'oaá गया-la koni yijo-la Jesús.

21 Nga tjín jngoò-ná no'miì xi 'ño jeya tíjna xi otíxoma ya ni'ya-la Nainá.

22 K'oaá ma-ne nga mochjeén-né nga isa ndaà kinchat'aà chraña-lá Nainá, nga nguì kixi s'ikíjnaá iníma-ná ko nguì tíjngoò takoán xi it'aà ts'e, nga jè Cristo jye kisítsjeè iníma-ná kjoa ts'e jé, ko jè yijo-ná, k'oaá गया-la koni tsà nguì nandá tsjeè tsaníjno-ne.

23 Kixi kitsajnaoá kjoa xi titsachiña-lá koni s'ín mokjeiín-ná nga mì kijen kikjá-lá takoán; nga Nainá, xita kixi-né, s'ikitasòn-né koni s'ín jye kitsjaà 'én-la.

24 Kinchátsji'nde-lá nga 'én ndaà kinókjoa-lá xinguiáá mé-ne nga isa ndaà s'e-ná kjotsjacha; ko s'eén kjoa xi ndaà tjín.

25 Mikiì sijchayaá jè nachrjein k'e nga bixoñaá, koni s'ín i'nga xita nga mì tì kiì bixoñat'aà-la xikjín. Ta saà mochjeén-né nga k'oi-lá nga'ño xinguiáá nga jngoò òjngoò; isaá 'ño kos'iaán k'e nga yaá nga jye tínchrobá machraña nachrjein-la Nainá.

²⁶ Tsà k'oas'ín tjín takoán nga k_inchátsji jé ìsaá k'e nga jye kiyaxkoaán kjoa kixi-là Nainá, mì tì mé jní koma xíxteèn-ne xi ma kjoaáxin jé-ná.

²⁷ Tà jè kòkò ìsa-ná kjo'in xi 'ñó xkón tjín kò ni'ín jnga xi síkjehesòn yije x_ità xi kondra fi-là Nainá.

²⁸ K'e nga tsà jngoò x_ità xi mìkìì síkitasòn kjotíxoma-là Nainá xi kitjoé-là Moisés, tsà tjín jò, jàn x_ità xi tsjá 'én nga kixi kjoa, mìkìì mahimacha, nìk'en-né.

²⁹ ¿Kós'ín beè-là takòn jñò, a mìtsà ìsa tse kjo'in ok'in-là jñà x_ità xi binchanè jè Ki'ndí-là Nainá, kò ochrjekàngui jè jní xi tsibíxteèn, kò tìkoá chjajno-là Iníma Tsjeè-là Nainá xi tjín-là kjondaà? Jè jní xi ochrjekàngui, jè-né xi Nainá kisíkjeén nga tsibíndaàjìin-kò x_ità jngoò kjoa xitse, kò jè xi kisitsjeè-ne iníma-là x_ità koi.

³⁰ Jyee tíjìin-ná nga k'oaá tsò Nainá: “Aán okò-na nga tsjaà-là kjo'in x_ità, 'aán tsjaà-là chjí-là.” Ìjngoò k'a tsò: “Jè Na'èn-ná kìindaàjìin-là x_ità naxandá-là.”

³¹ ¡Tàxkì 'ñó tse kjo_xkón tjín k'e nga ya kàyaá tsja Nainá xi tíjnakon!

³² Tanga tìkítsjeèn kós'ín komàt'ioòn nàchrjein xi jye tsato, k'e nga sà kina'yà ítjòn 'én kixi xi kisìhiseèn-nò, nga kichìkjoa-nò nga tse kjo'in kinìkjioòn.

³³ Kis'eé nàchrjein k'e nga jñà x_ità kùichjajno-nò kò kiskaàn-kò-nò nga nguixkòn x_ità naxandá. Tìkooá kis'eé nàchrjein nga jñò kitsjahijtakoo jñà x_ità xinguiò xi tìkoá kjo'in nchisíkjeiín.

³⁴ Jñò, kjòhìmachà x_ità xi kjo'in nchisíkjeiín nga ndayá títsajna; kò tìkoá mìkìì kòjti-nò k'e nga

kjòchijé-nò tsojmì-nò, ta saá kjòtsjaá-nò nga jye tíjìn-nò nga ján ngajmì tíjìn-nò tsojmì xi isa ndaà kjoàn xi mìkìi fehet'aà nità mé nachrjein-ne.

³⁵ Kì nìchija-jèn koni s'ín kjit'aatakòn Nainá nga yaá tjoé-nò jè xi 'ñó tse chjí-la.

³⁶ Mochjeén-né nga s'e-nò kjoatsetakòn kjoa ts'e kjo'in, mé-ne k'e nga jye kítasòn koni s'ín mejèn-la Nainá, tjoé-nò xi tsjá-nò koni s'ín jye kitsjaà 'én-la xi tso'ba kiichja-ne.

³⁷ K'oaá s'ín chja xojon xi tjít'aà 'én-la Nainá nga tsò:

Ta jngoò tjò chija-la nga kjoí jè xi sa nchrobá.

Mìkìi kochrjein-la.

³⁸ Jè xi xita kixi kijnakon-né nga mokjeiín-la, tanga tsà kosit'aà xìn, mìkìi sasén-la inìma-na.

³⁹ Tanga jñá, mì k'oaá s'eén koni s'ín xita xi its'in fi-ne nga síchija inìma-la. Ta saá ya kjiaán ya i'nde ñánda kitjokajìn kjo'in inìma-ná koi kjoa-la nga mokjeiín-ná.

11

Kjoa xi mokjeiín-ná

¹ Jè kjoa xi mokjeiín-ná, jè-né nga tíjìn kixi nga tjoé-ná jñà kjoa xi chiñá-lá; jè-né nga tíjngoò takoán nga kítasòn nas'in mìkìi titsa'yaá xi kjoa nìton.

² Jñà xita jchínga kjòtseé, koií kjoa-la nga kòkjeiín-la nga ndaá ki'ya-la.

³ Ta koi-né nga mokjeiín-ná nga kos'in machiya-ná nga jè Nainá, tà koó 'én-la tsibíndaà isò'nde; kisìkatsejèn tsojmì xi mìkìi tsejèn nga sa ítjòn.

⁴ Abel, koií kjoa-la nga kòkjeiín-la, kitsjaat'aà-la Nainá kjotjò xi ìsa 'ñó ndaà kjoàn, m̀ k'oaà-ne koni ts'e Caín. K'oaá s'ín komà-ne nga xita kixi kitsò-la Nainá Abel; kiskoé kjotjò xi ijchòko-la; skanda nàchrjein i'nde, tákó k'oaá s'ín tíchja nga mokjeiín-la, nas'ín jye k'en.

⁵ Enoc, tikoá kòkjeiín-la; k'oaá s'ín komà-ne nga kiiko tikon Nainá ján ngajmiì; m̀ tì kiì kisakò-ne k'e nga jye kiiko. K'e nga sa tsibìjna i isò'nde, Enoc, k'oaá s'ín ki'ya-la nga ndaà kisaseèn takòn Nainá.

⁶ Tsà mìkiì mokjeiín-ná it'aà ts'e Nainá, mìkiì koma s'eén kjoa xi sasén-la Nainá. Jè xita xi síchrañat'aà-la Nainá mochjeén-né nga ndaà kòkjeiín-la nga tíjna Nainá, tikoá kòkjeiín-la nga ngats'iì xita xi ótsji Nainá, tsjá-la kjotjò xi ndaà tjín.

⁷ Noé koií-né nga kòkjeiín-la, k'e nga tsibénojmi-la Nainá kjoa xi iskan koma, kisikitasòn; koó kjoxkón-la nga tsibíndaà jngoò chitso xi 'ñó je kji, mé-ne nga mìkiì kiyá-ne jña xita ni'ya-la. Noé, nga ndaà kòkjeiín-la, k'oaá s'ín tsibínè-la kjo'in xita isò'nde nga jé tjín-la; ko jè Noé kitjoé-la kjotjò xi tsjá Nainá nga xita kixi kitsò-la ta koií kjoa-la nga kòkjeiín-la.

⁸ Abraham, nga kòkjeiín-la k'e nga kiichja-la Nainá, kisikitasòn. Itjokàjiin nangui-la, kii ya i'nde ñánda tà kjotjò tsjá-la Nainá, tanga skanda mìkiì tíjiin-la ñánda tífi.

⁹ Koií kjoa-la nga kòkjeiín-la, nga kos'ín kisìjchá yijo-la koni tsà xita xi xìn nangui-la nas'ín ya tsibìjna ya i'nde ñánda nga k'oa kitsò-la Nainá nga tsjá kjotjò-la. Ni'ya nikjeé tsibìjnaya. Nga kiì-ìsa nàchrjein, k'oaá tì komàt'in jè Isaac ko Jacob, xi

tìkoà k'oas'ín kitsjaà-là 'én Nainá nga ts'e koma nanguì.

¹⁰ Abraham tíkoña jngoò-là naxandá xi 'ñó ndaà t́jín tàts'en chrjò-là, nga jè Nainá kiskoòsòn-là kós'ín sindaà kò t́jè-ne Nainá tsibíndaà.

¹¹ Koií kjoa-là nga kòkjeiín-là Abraham, nga nas'ín chjoón 'ndì jè chjoón-là xi 'mì Sara, kò nas'ín jye 'ñó xítà jchinga, kis'eé-là nga'ñó nga kisakò jngoò-là ki'ndí jè Sara, koií kjoa-là nga kòkjeiín-là nga Nainá sùkitasòn koni s'ín jye kitsjaà-là 'én-là.

¹² K'oaá ma-ne nga ta jè tajngoò xítà jè, nas'ín jye tífehet'aà nachrjein-là, kjìn jchán ma ixti-là xi t́jè ts'e k'oaá ngaya-là koni j́nà ni'ño xi t́jín ngajmì kò tso mì xi jncha indì ndáchikon nga mìkiì ma maxkeya.

¹³ Ngats'ì xítà koi, k'oaá s'ín mokjeiín-là skanda k'e nga k'en, nas'ín mìkiì kitjoé-là tsojmì xi Nainá k'oas'ín kitsjaà 'én-là nga tsjá-là; ta k'oaá s'ín kjòchìya-là koni tsà ta kjìin kijtseè-ne; tsjaá kis'e-là nga kitsò nga mìtsà ì ì'nde-là, ta nchifahato-né nga títsajna ì it'aà nanguì.

¹⁴ J́nà xítà xi koatsò, k'oaá s'ín bénojímì kixì-né nga saá nchihótsji jngoò nanguì xi ngui ts'e koma.

¹⁵ Tsà jè nchisíkítsjeèn nanguì ñánda itjokàjìin, okixì-né komá-la kù ìjngoò k'a-ne ì'nde ñánda inchrobà-ne.

¹⁶ Tànga jngoò ì'nde nchihótsji xi isà ndaà choòn, ì'nde xi ts'e ngajmì. K'oaá ma-ne nga jè Nainá, mìkiì masobà-là nga kító-là xítà: jè jèe xi Nainá, nga jyeé kisikíjnandaà jngoò-là ì'nde ñánda naxandá-là koma nga ya kítsajna.

¹⁷ Abraham, k'e nga kichìt'aà, koií kjoa-là nga kòkjeiín-là nga kiskoé Isaac nga kitsjaàt'aà kjotjò-là

Nainá. Tsibijnandaà nga tsjá-la ki'ndí-la xi ta jè tajngoò-ne, nas'ín xó k'oas'ín kitsjaà-ne 'én Nainá it'aà ts'e ki'ndí-la, k'e nga kitsò:

18 “It'aà ts'e Isaac, kjìn jchán koma xita tje-lè.”

19 Abraham k'oaa s'ín kisikítsjeèn nga Nainá tjín-la nga'ño nga ma-la síkjaáya-la xita nas'ín jye k'en. Kitjoé ijngoò k'a-la ki'ndí-la koni tsà jaáya-la it'aà ts'e kjoabiyaà.

20 Isaac, koií kjoa-la nga mokjeiín-la nga kisijét'aà-la Nainá nga kàtasíchikon-t'in Jacob ko Esau it'aà ts'e kjoa xi iskan koma.

21 Koií kjoa-la nga mokjeiín-la Jacob, k'e nga jye tíbiyaà, kisijét'aà-la Nainá nga kàtasíchikon-t'in ingajò ixti-la José; síngui'ño tsja yá nise-la nga jeya kisikíjna Nainá.

22 Koií kjoa-la nga mokjeiín-la José, k'e nga jye tíbiyaà, tsibénojmi kós'ín komat'in jña xita Israel nga kitjokàjìn naxandá Egipto. Tiko kitsjaà okixi it'aà ts'e nindaà-la ñánda kjiko.

23 Xita jchínga-la Moisés, koií kjoa-la nga kòkjeiín-la nga jàn sá kisikíjna'ma ki'ndí-la k'e nga sa kits'iín, nga kijtseè nga 'ño ndaà kji isén-la ki'ndí-la, ko mìkiì kitsakjòn-la kjotíxoma-la xitaxá ítjòn ts'e naxandá Egipto.

24 K'e nga jye kòjchínga Moisés, koií kjoa-la nga kòkjeiín-la nga mìkiì kisaseèn-la nga nea-la kitsò-la tsòti-la faraón.

25 Tà saá jè jaàjìn nga kjo'in kisikjeiín ko naxandá-la Nainá, mì k'oā-ne nga kjotsja tsjá-la yijo-la xi kjoa ts'e jé.

26 K'oaa s'ín kiskoòsòn-la nga isa 'ño chjí-la kjo'in xi sìikjeiín xi it'aà ts'e Cristo mì k'oaa-ne nga kjotsja

tsjá-là yijo-là xi kjoa nchiná ts'e naxandá Egipto. Kiskoñákjoaá-là kjondaà xi iskan tsjá-là Nainá.

27 Koi-né nga tikoá kòkjeiín-là nga itjokàjiin naxandá Egipto; mìkiì kitsakjòn-là kjoajti-là jè xitaxá ítjòn; kixií tsibijna koni tsà xkòn tíbeè-ne Nainá xi nì saá jngoò xitá beèxkon.

28 Moisés, nga kòkjeiín-là, tsjachrje s'eí Paxko. K'oaá kitsò-là ngats'ù xitá Israel nga jní sùkaàjno xotjoa ni'ya-là mé-ne jè àkjale-là Nainá mìkiì sùk'en jñà xi ki'ndítjòn-là ts'e xitá Israel.

29 Jñà xitá Israel, nga kòkjeiín-là, tsatojiin jè xi 'mì Ndáchikon Inì koni tsà nangui kixi. Jñà xitá Egipto, k'e nga kijtseè, mejèn-là nga k'oa tís'ín kis'iin, tanga ta yaá k'en yije ya jjiin ndáchikon.

30 Nga kòkjeiín-là xitá Israel, kisikixòjen chrjó xi tjíndiì-là naxandá Jericó, k'e nga jye kjò itoò nachrjein bitjindiì-là jé naxandá.

31 Koií nga kòkjeiín-là Rahab xi chjoón chijngui nga mì ya k'en-ko jñà xitá xi mìkiì mokjeiín-là, koií kjoa-là nga ndaà kijtseètjò jñà xitá Israel xi ítjòn ijchò kotsejèn 'ma-là nangui.

32 ¿Mé kjoa xi kènojmí isa? Mì-la kii chíya-na nachrjein nga kichjà ít'aà ts'e Gedeón, ts'e Barac, ts'e Sansón, ts'e Jefte, ts'e David, ts'e Samuel ko ngats'ù xitá xi kùichja ngajo-là Nainá.

33 Koií nga kòkjeiín-là xitá koi nga kis'e i'nga xi kisikijne-là kjoa ts'e kjojchán, xi kixi tsibíndaajiin kjoa, xi Nainá kitsjaà-là koni s'ín jye kitsò-là xi tso'ba kùichja-ne, xi tsibíchoàjto tso'ba xa.

34 Kis'eé i'nga xi kisìkits'o nga'ñó-là ni'ín jnga, xi itjomachinga-là nga kichà ndojò k'en-ne, xi kis'e ijngoò k'a-là nga'ñó nas'ín xk'én kjoàn, xi

kis'e-la nga'ño kjoa ts'e kjojchán, xi kisìkijne-la xita kjojchán xi kondra ts'e.

³⁵ Kis'eé i'nga íchjín xi kitjoé ìjngoò k'a-la xita xíkjín xi jye k'en nga jaáya-la.

Tanga tjín i'nga xi ya k'en-jiìn kjo'in; mìkìl kjòmejèn-la nga tsibìtsajnandeí, nga k'oaá s'ín kjòmejèn-la nga isa ndaà kitsajna k'e nga kjoaáya-la.

³⁶ Xi i'nga, kisìkjeín kjo'in nga kinìsobà-la, kiskaàn-ko xita, skanda na'ño kicha cadena kisit'aà'ño iya ndayá.

³⁷ Tjín i'nga xi ndajo kisinè nga kinìk'en; tjín i'nga xi kicha serrote kjòjòya-ne; tjín xi kicha ndojò k'en-ne. Xki xi ján chinchimasòn, tà chrjoa-la orrè ko chrjoa-la tíndsó tsakakjá nga 'ño imà chinchima, tseé kjo'in kis'e-la ko 'ño ki'yatoòn.

³⁸ Jña xita koi, nga 'ño ndaà kòkjeín-la it'aà ts'e Nainá, skanda mìkìl ok'in-la nga ì tsibìtsajna isò'nde. Xki xi ján chinchimasòn ya i'nde it'aà xìn ñánda nangui kixi choòn, kóhokji ijìin ijña ko ingui nguijo ko ngajo xi tix'á jìin nangui.

³⁹ Ngats'iì xita koi, koni s'ín nga ndaà kòkjeín-la ndaá ki'ya-la, tanga njjngoò kitjoé-la xi Nainá tjín-ne nga tsjá-la koni s'ín jye kitsjaà-la 'én-la.

⁴⁰ Nainá tsibíndaà jngoò-ná kjoa xi isa 'ño ndaà tjín, mé-ne jña xita koi, ngásòn kongásòn-kjoaá nga nímé chijat'aà-ná nga kixi kitsajnaá.

12

Ndaà chítsejèn-là Jesús

¹ Nga 'ño kjin ma-ne xita xi títsajnandiì-ná xi ndaà mokjeín-la, k'oaá ma-ne nga tikoáá jña,

jngoò k'a sikítsajnaá ngats'ìi kjoa xi sí'in-ná ko kjoa ts'e jé xi tsobà'nó-ná nga konachan-ná; mochjeén-né nga k'oa s'ín s'eén koni jngoò xita xi ongachikon nga chíkjoako-la nga kijchò skanda ñánda nga tjín-nè-la nga kijchò.

² Ndaà chítsejèn-lá Jesús; jè tsibíts'ia ítjòn koni s'ín mokjeiín-ná ko jè síjngoò kjoa koni s'ín mokjeiín-ná. Jesús nga jye tíjìn-la nga koma iskan s'eé-la kjotsja, k'oaá ma-ne nga kichikjoa ko-la kjo'in it'aà krò, mikiì kjòsobà-la koni s'ín k'en; ikjoàn tsibíjnat'aà chrja kixi-la Nainá nga ya tíhotíxoma.

³ Tikítsjeèn it'aà ts'e Jesús; kichikjoa koó-la kjo'in xi tsibínè-la jña xita jé, mé-ne jñò mikiì kijta-nò ko mikiì sikàjeèn-là takòn.

⁴ Koni s'ín titsabixkàn-koò kjoa ts'e jé, kj'eè tsà yá xita xi tsò ikon nga sík'en-nò.

⁵ ¿A jye kijchàajìn-nò koni tsò-nò Nainá nga ixti-la tsò-nò? K'oaá s'ín tíchja xojon xi tjít'aà 'én-la Nainá nga tsò:

Nga ki'ndí-na xan-lè, kì nachrjekàngui-jèn k'e nga síkixiya-lè Na'èn-ná,

ko kì nìkjajen-la takoìn k'e nga síkaká-lè.

⁶ Na'èn-ná síkixiya-né jè xita xi tsjakeè, tsjá-la kjo'in ngats'ìi xi kjoétjò nga ki'ndí-la tsò-la.

⁷ Nainá k'oaá s'ín beèhikon-nò nga ki'ndí-la tsò-nò; tikjioón k'e nga kjo'in tsjá-nò. Ngats'ìi xi Na'èn ma, tsjá-la kjo'in ixti-la nga síkixiya.

⁸ Tanga tsà Nainá mikiì síkixiya-nò koni s'ín síko ngats'ìi xi ixti-la ma, mìtsà kixi kjoa nga ngui ixti-la Nainá maà.

⁹ K'e nga sa ixtiaá, jña xita jchínga-ná xi tjín i it'aà nangui, kisikixiya-ná koa ndaà kiyaxkoán. ¿A

mìtsà ìsà ndaà jchaxkoán Na'èn-ná xi tíjna ngajmì, mé-ne nga kàtas'e-ná kjoabinachon?

¹⁰ Xìtá jchínga-ná ì ìt'aà nangui tsjá-ná kjo'in nga síkixiya-ná koni s'ín mejèn-là, nas'ín ta chiba nachrjein titsajnaá. Tanga Nainá síkixiya-ná xi kjondaà tsaján mé-ne nga tsjeè kitsajnaá koni jè Nainá nga tsjeè tíjna.

¹¹ Kixí kjoa, tsjín kjo'in xi kjotsja tsjá, tà kjoaba tsjá nga 'on ma-là yijo-ná, tanga komà iskan-ne s'eé-ná kjoa kixi xi 'nchán tjín nga ndaà kitsajnaakoá Nainá ngats'iaá xi bì'ndeé nga tímakixiyaá.

¹² K'oaá ma-ne nga tjì-là nga'ño yijo-nò, chjímì'ngaà ndsaa xi mìkiì ma síkjaníyá, kò xkó ndsokoò xi tsjín-là nga'ño;

¹³ tìnchátsjioè xi ndiyá kixi nga kàtandaà-ne ndsokoò xi tsá'yá kji, mé-ne nga mìkiì ìsà ndaà kotsó'ño-ne.

Kì binchat'aàxìn-là kjondaà-là Nainá

¹⁴ 'Nchán titsajnakoo ngats'ì xìtá; tsjeè titsajna nga nguixkon Nainá. Nga nijngoò xìtá skoexkon Nainá tsà mì tsjeè tíjna.

¹⁵ Ndaà chítsejèn nga nijngoò xìtá kosijnat'aàxìn-là kjondaà-là Nainá, mé-ne nga mì k'oaá s'ín komat'ioèn koni tsà jngoò xkà ijñá kiso xi tsja imà-là xi síkìts'ón xìtá nga tsjá ch'in-là.

¹⁶ Jñò, nijngoò xi xìtá chijngui koma, kì nachrjekànguioè tsojmì xi tsjeè; kì k'oaá s'ín 'nè koni kis'iìn Esáu nga tà jngoò chroba tsojmì xi ma chine tsatijna-ne xi jè tjín-ne nga kòko-là koni kì'ndí tjòn.

17 Jñò jyeé tíjìn-nò, k'e nga jye komà iskan, Esau k'e nga kjòmejèn-là nga sìichikon-t'in na'èn-là, ki-nachrjekàngui-né, mì tì kii komà kjòchikon-t'in-ne, nas'ín takó 'ñó kiskindàya.

18 [Koni s'ín komàt'in xita Israel nga kjìn kjojkón kijtsee], jñò, mìtsà kos'ín ya ijchò kinchat'aà-là nindoò xi ma nìkò, jè nindoò ñánda títi ni'ín jnga, ñánda skanda mì tì kii kjòtsejèn-ne nga jñò choòn kò ñánda tí'ba tjo xkón.

19 Mikiì kina'yà-là jta-là chrjo, tikoá mikiì kina'yà-là jta-là Nainá k'e nga kiichja. Jña xi kii'nchré-là Nainá, tsibítsi'ba-ne nga majìn-là nga kichja-isa,

20 koií kjoa-là nga mikiì kichìkjoa-là koni s'ín tíjn kjotíxoma xi kisinè-là nga tsò: “Jè xita xi kosìjna jngoò ndsokò ya it'aà nindoò, nas'ín jngoò cho, ndajóó kiyá-ne kò tsà majìn kichaá kotosikjá yijo-là.”

21 'Ñó xkón tíjn kjoa xi ki'ya-là, skanda tijè-ne Moisés kitsò: “Tsakjoòn jchán-ná skanda chiba-là tíhotsé-ná.”

22 Tanga jñò, yaá ijchò kinchat'aà-là nindoò Siòn, jè naxandá-là Nainá xi tíjnakon, xi tijè-ne Jerusalén xi ts'e ngajmii, ñánda kjìn jmii àkjale títsajna xi nchisítsjako Nainá nga jeya nchisíkijna,

23 ñánda títsajnajtín ixti-là Nainá xi tjoé-là kjotjò xi ts'e ixtitjòn xi tíjt'aà 'ín-là xojon ts'e nga-jmii. Ijchò kinchat'aà-là Nainá xi xitaxá tíjna nga jè bíndaàjìn-là ngats'ii xita. Tikoáá ijchò kinchat'aà-là inima-là xita kixi xi Nainá jye kisitsjeè nga ñimé chijat'aà-là.

24 Ijchò kinchat'aà-là Jesús xi osìjnajiìn-ná jngoò

kjoa xitse ko jè jní-la xi kixíxteèn [nga kisítsejè-ná] xi isá ndaá chja-ná mì k'oaá-ne koni ts'e Abel [xi síjé nga sindaájìn].

²⁵ Jñò, t'een kinda yijo-nò. Kì nachrjekànguioò jè xi tíchja-ná. Jñà xita jchínga kjòtseé xi tsachrjekàngui koni s'ín kinokjoà-la i it'aà nangui nga kinikaká-la, mìkì tsajno-la nga kitjóé-la kjo'in. Jñá, isaá 'nó 'in tjín tsà kinachrjekànguiaá Nainá k'e nga skanda ján ngajmì chja-ná nga síkaká-ná; mìkì kojno-ná nga tjoé-ná kjo'in.

²⁶ Jè nachrjein jè, jta-la Nainá, skanda jè nangui siijtija-la, tanga nachrjein i'nde, k'oaá tsò: “Ijngò k'a siijtija-la, mìtsà tà jè nangui siijtija-la kóó ngajmì.”

²⁷ Jè 'én, k'e nga tsò “ijngò k'a siijtija-la”, k'oaá s'ín machiya-ná nga tjáxin tsojmì xi xó kisingdaà-ne, jñà xi ma oniyá-la, mé-ne nga kítajna-ne xi mìkì ma oniyá-la.

²⁸ It'aà ts'e Nainá tsjá-ná okixi nga ya kotixomakoá ya i'nde ñánda mìkì ma oniyá-la. Ndaà chjí-la Nainá jñà kjoa koi. Jeya síkíjnaá ko jchaxkoán koni s'ín sasén-la jè.

²⁹ Nga “jè Nainá, k'oaá ngaya-la koni ni'ín xi síkjesòn yije nita mé xi tjín.”

13

Kjoa xi mochjeén nga s'iin jñà xita-la Cristo

¹ Jñò, títjacha xita xinguióo xi 'ndsè chibá xi it'aà ts'e Cristo.

² Kì nìjchàajioòn jñà xita xi bijchókon-nò ni'ya-nò, tís'in-là nga kátasíkjáya. K'oaá komàt'in i'nga xita, kiskoétjò xita xi mìkì beèxkon, tanga àkjale-né.

³ Tíkítsjeèn jǎà xítà xi ndayá títsajna; k'oas'ín t'è-là takòn koni tsà ngàsòn kjo'in títsajnaà. Tíkítsjeèn jǎà xítà xi tíyatoòn koni tsà jǎò xi tikoà k'oas'ín tíyatoòn-nò.

⁴ Jǎò xi jye chixàn, ngàsòn jchaxkón xinguiòo. Kì ch'o bitsajnakoo xinguiòo. Nga jǎà xi kjoachijngui s'ín, Nainá tsjá-là kjo'in.

⁵ Kì toón 'nó matsjacha; kàtajngoò takòn koni kji tǐn-nò. Nainá k'oaá tsò: “Mikìi tsjeiin takòn-nò, kò mikìi tajngoò siikǐjna-nò.”

⁶ K'oaá ma-ne nga ma k'oas'ín kixoán:

Jè Nǎ'èn-ná kosikò-ná,
mikìi kiskoán mé kjoà xi siko-ná xítà.

⁷ Tíkítsjeèn jǎà xítà xi chincha ítjòn nga tsakóya-nò 'én-là Nainá; tíkítsjeèn kó s'ín kisǐchá yijo-là xítà koi kò k'oaá s'ín chjǐngui-là koni s'ín kòkjeiin-là.

⁸ Jesucristo mikìi fatjìya, tǐjè-ne ngojǎa, tǐjè-ne nachrjein i'nde, kò tǐjè-ne nítà mé nachrjein-ne.

⁹ Kì kiì nìs'in-là kjohítsjeèn xi kj'eíi tsò kò xi mikìi yaxkon-là nga xìn ndiyá fiko-ná. Ìsáá ndaà tǐn nga jè inǐma-ná s'e-là nga'nó it'aà ts'e kjondaà-là Nainá mì k'oaá-ne koni ts'e tsojmì xi ma chine; nga jǎà tsojmì xi ma chine, nímé nga'nó kitsjaà-là jǎà xi k'oa tǐn kjoà kisis'in-là.

¹⁰ Jǎà, tǐn jngoò-ná i'nde tsjeè [ñánda kitsjaà kjotjò yijo-là Cristo nga k'en], tanga jǎà no'miì xi tákó ya síxá it'aà ts'e kjoà jchínga ya Ní'ya xi nikje, mikìi tǐi'nde-là nga tjoé-là kjondaà nga ya kòkjen.

¹¹ Nga jè yijo-là cho xi sík'en jǎà no'miì, [mikìi tǐi'nde-là nga tjoé-là nga skine]; ta jè jní-là cho fiko

jè nò'miì ítjòn ya ì'nde tsjeè-la Nainá xi kjoa ts'e jé. Tanga jè yijo-la cho, it'aà xìn ì'nde fikò nga tì.

¹² K'oaá tìs'ín komàt'in Jesús, it'aà xìn-la naxandá kisikjeín kjo'in, mé-ne nga kisìtsjeè-ne naxandá it'aà ts'e xi ngui jní ts'e.

¹³ K'oaá ma-ne jñá, kitjokàjñáá naxandá. Jè kjitjinguì-lá Jesús nga sijkjaán-koaá kjo'in xi jè kisikjeín.

¹⁴ Nga ì it'aà nangui tsjìn-ná naxandá xi ngui jngoò k'a tìjna nìta kjé-ne; jè tìtsachiñá-lá naxandá xi iskan kotsejèn.

¹⁵ Koi kjoa-la mochjeén-né nga kjit'aà nachrjein jeya sikijnaá Nainá it'aà ts'e Jesucristo koni jngoò kjotjò xi 'bì-lá Nainá, 'én xi ngui tso'baá bitjo-ne nga bènojmiá yá-né jè.

¹⁶ Kì nijchàajioòn nga ndaà t'een, tjiì itsé-là xin-guioò mé xi tjin-nò; k'oaá tjin kjotjò xi sasén-la Nainá.

¹⁷ Tikitasòn-lá jñà xita xi jncha ítjòn-nò, tiná'yañijon-là. Nga jñà síkinda-nò nga mì jchija inima-nò koi kjoa-la nga tjiné-la nga tsjá-la kindá Nainá. Tikitasòn-là koni s'ín kitsò-nò mé-ne nga ngui kò kjotsja-la sùixá-ne nga mì ba s'e-la; tsà ba s'e-la, nimé kjondaà s'e-nò.

¹⁸ Tijét'aà-là Nainá it'aà tsajen, nga k'oaá s'ín tijn-goò takòn-jen nga ndaà tjin kjohìtsjeèn-najen, mejèn-najen nga ndaà s'en-jen nìta mé kjoa-ne.

¹⁹ Ìsaá ndaà síjé-nò nga tijét'aà-là Nainá xi it'aà ts'an, mé-ne nga kàtatsjá'nde-na nga nìton kjíkon-nò.

'Én xi fehet'aà-ne

²⁰ Jè Nainá xi tsjá kjoa'nchán xi kisìkjaáya-la it'aà ts'e kjoa biyaà Na'èn-ná Jesucristo, xi paxtò ítjòn-la ts'e orrè, jè xi kò jní-la tsibí'ñó-ne jngoò kjoa xitse xi mìkì kjoehet'aà nita kjé-ne,

²¹ kàtasìkixiyandaà-nò ngats'ìi kjoa xi ndaà tjín, mé-ne nga kàtitasòn-ne koni s'ín mejèn-la Nainá; it'aà ts'e Jesucristo, k'oas'ín kàtasìkò-ná koni s'ín sasén-la Nainá. ¡Jeya kàtìjna Cristo nita mé nachrjein-ne! K'oaa s'ín kàtama.

²² Bitsi'bà-nò ndí 'ndsè, ndaà chjoétjò 'én xi tìkjìi-nò koni s'ín tìbìnè-nò nga ta chiba 'én tìkjìi-nò.

²³ Kàtasijìin-nò jè 'ndseé Timoteo jye tíjnandeí-ne xi kjoa ts'e kjo'in; tsà kjoí nìton, kjíko-ná k'e nga kjián katsejèn-nò.

²⁴ Tìixat'aà yije jña xita xi jncha ítjòn-nò kò ngats'ìi xita-la Cristo. Jña xi Italia ts'e nchisihixat'aà-nò.

²⁵ Ngats'ioò, jè kàtìjnako-nò kjondaà-la Nainá.

Mazatec, San Jerónimo Tecóatl
New Testament in Mazatec, San Jerónimo Tecóatl
Mazateco de S Jeronimo Tecoatl; maa
(MX:maa:Mazatec, San Jerónimo Tecóatl)

copyright © 2012 Wycliffe Bible Translators, Inc.

Language: Mazatec, San Jerónimo Tecóatl

Translation by: Wycliffe Bible Translators, Inc.

Contributor: Bible League International

Mazateco, San Jerónimo Tecóatl [maa], Mexico

Copyright Information

© 2013, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, San Jerónimo Tecóatl

© 2012 Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-10

PDF generated using Haiola and XeLaTeX on 10 May 2025 from source files dated 10 May 2025

9f778253-d34e-5037-af35-7bca16479aa0